



TAKUYAUYUKHAQ
Qiqaiyarluarvia 10, 2013

COMMUNIQUÉ

Aulapkarlugu Kanatamiut hivunikhaat Ukiuqtaqtumi Tautuktuuyaangat

WHITEHORSE-mi Aviakturviit hivulliuqtiit katimayut Whitehorse-mi uuminga 11-nguqtuq Ukiuqtaqtumi Hivulliuqtiit Katimaviat Qiqaiyarluarvia 9-mi 10-milu hivumuuqtiniarlugu havaariyaqtik hakugikhaqhugu qaumania Ukiuqtaqtuup.

Hivulliuqtiit ukpiriyaqaqtut hakuginiqaqtuq hivumut tautuktuuyariami imaalu havaqatigiin gnikkut hakugikhaiyaami, qaamaniutiqariami Ukiuqtaqtumi taimaa hulilyakhaqariangnita ukiuqtaqturmiut ikayuutauyaakhainik Kanatamiut. Katimahuiramik, ihivriuttiaqhugu nutaanguqtiqhugu *Ukiuqtaqtumi Tautuktuuyaangat: Hakugiktuq Nakuutqiyarlu Kanata*, ihumagiblugit aadjikkiipalliyut piyumayangit avikturviinni.

Uqarihimayait ihumagiyait tautuktuuyaqtait ukiuqtaqturmiut ikpingnaqtuq, nunamiuliqtullu amigiaryuumivalliallutik nunaryuatingnit hilaryuamut hulivigiyumayaat Ukiuqtaqtuq.

Hunaqarvikhanit

Hivulliuqtiit ilitariyait Kanatap tuhaapkalihaaqtaauumuuna Nutaamik Hananiq Kanatami Parnaiyaut unniudjuiffaaqhutik ikpingnira tun'ngaviuyunik, itquniarniq, aallanguqtaaqtaq maniqautit Avikturviingni

Aulaqattarnikkut

Aullaqaqattarnirmut hunaqarvikhanik ikpingnaqtuq hivumuutitaami inmiguuliriamingni maniliuqpalirlutik. Iligiingniq Kanatami nakuuhariami aullaqaqattarnirmut hunaqarvikhat taimaa avikturviit ilauvagiangita hilayuap maniliurutauyuni.

Qaunanikkut

Akikinningit qaumayutiqarnikkut, ikualaaqtittiniq halumatqiyaniq aallat, kimiruuyut aanniaqtailinirmut, inmuguuriangit nunallaat. Akitunia pauvaqariami uqhurlukkut kinguvaqtitaa maniliuqpangniq ukiuqtaqtumi imaa akitturyuumiblugit inuuhiqarniarniq akitturyuumiblutik havangnahuariniq.

Hailivalliania imarmmit pauvaqautit ikpingnaqtuq tumiuhariangat havagvigyuat havaakhauhiit Ukiuqtaqtumi. Ukiuqtaqtumungaqpalliani alruyaqtuutit hunaqautit nalaumaqpiaqtut tautuktuuyaarutaanut Kanatami Ukiuqtaqtumi Parnaiyaunmi.

Hivulliuqtiit ukiuqtaqtumi piyumavaktut hatuittailinaiqtaait ilaulutik Katimayirat Ilagii Kanatamiut Qaumavangniq Parnaiyaut, ikpirningalu angmaumania ausaimut hiluryuamilu nivvaaviinni taimaa avikturviit tuyuqpangiangit hilataanut nunaptingnungaqaqtittiyut qaumayutiqarnikkut

Igluqarnikkut

Hivulliuqtiit ilitariyait angiyuq kanatami kavamanganit tutquumadjutait igluqautitigut ublumimut. Iilitariyailu havaangit avikturviit ilguliyiyitkut Ministangit iligiiqariami taavungaraaluk nakuudjutikhat. Hivulliuqtiit, qanurittaqtuq maniqautikhaat avikturviini tukhiqtamingnut

ikayuutauyukhat. Igluqarniq piyumannaqtuq ikayuutaugianganani maniliurutinut inuuhiqattiarnirmut Ukiuqtaqtumi imaalu ikittublutik taakunani pingahuni avikturviit kavamanginni atauttimut kiuyaamingnik igluqarumannarnirmut nunalingni maniliurnikkullu.

Igluliqiniq anngatauyuq aanniaqtailinirmut, maniqautiqarnirmut, nakuunikhagut Kanatamiut. Huli amigiatqikainiq igluliqinikkut Ukiuqtaqtumi naupkainaiqtut qaumatqiyani nunallaanik inuit tahamani aanniangitutit huliyaamingnilu ilihimalirlutik.

Ataqatauvangniq

Ukiuqtaqtup maniliurutigiyakhait avaliittuunngitut nunamit maniliurutinut. Nakuuharniagut uqautitautikkut hunaqarviit aallatqinguyut hakugiutaunaiqtullu ukiuqtaqtup maniliurutaanut piyumavalirnianut hamani.

Nakuuharniagut ataqatauvangnia ikayuutauniaqtuq ukiuqtaqturmiunut nakuuhautaulutik pidjutikhanut atuqtauvaktunullu nakuuhautikhanut. Nakuuhautauniaqturlu tiiviikkut tautugluni uqaqatigiingniq, qaritauyakkut iliharniq, qaritauyakkut maniliurniq. Avikturviit hadja abluqtaqtut hakugininganut ataqatauvangniit aallallu tuhaapkainiq hunaqarviit. Aallallu tutqutiiniq piyakhauliqtut taimaa ukiuqtaqturmiut aadjikuhiriangita ausaimi avikturviit piqautainik.

Hivulliuqtit pivaquyait Kanatami kavamatkut pihimmaariangita ikayuutigivagait ukiuqtaqtumi ataqatauniq atuqhutik ukuninga Hunaqarviit Kanata, Havagyuarviit Kanata, CanNor aallallu havagviit. Ilauyut hivumuuqtirlugit nunallaaryuanit havaat unghiktunut nunallaanut aturlutik Kanatamiut Kihittinikkut Maniliurniq Parnaiyaut.

Ukiuqtaqtup Hinaani

Havavaliurniq Ukiuqtaqtumi imiat tulurvikhainik hinaanungarvikhat hivuumuuqtilugu hivulliuqtiuniq, munarilugu avatikput qayangnaqtut imat, aanniqtailinirmut, aanniaqtailinirmut, maniktuyullu nunallaat.

Taimaatut, hivulliuqtit pitquvallialugit Kanatami kavamangat ihuaqtumik pidjutikhaliuqublugit hunaqarviit ukiuqtaqtumi tularviit hinaanungarvikhat ilguqpait taimaa pivaktauyaangani Ukiuqtaqtumi imakkut agyaqtautit, tahamanittiaq Ukiuqtaqtumi nunallaat agyarviuvaktut, aannirnaittumik, itqumalutik, avatimullu halumaiyaiyuitunik.

Aullaaqtut hanguyut amigiaryuuminiaqtut piyumavangniaqtut agyaqtut aannitaililutik angigluyuumiqtuq naunaiqhaitiarlutiglu itinikhaagut naunaiqhailutik avikturviini taruini.

Hivulliuqtit ilitaqhiyut amigairyuumiyut agyaqtut pipkaivaniaiqtut naunaiqhaidjutikhamik kitkut humullu hanguyaakhait qiniqhialiraigumiglu. Una angitqiyamik ukiuqtaqtumi ittukhauningagut qiniqhiyit havaktiinik hunaqarvikhainiglu nakuuhautikhanut ayuiqhainirmut taapkununga hivuliuvaktut qiniqhiyut.

Nakuuhaqtut Avatiqattiqtut Nunallaat

Atugakhanik ayuiqharniq

Avikturviit maniliurutait amigaiqpalliyut qilamik taimaa ukiuqtaqturmiut upalungaiyaqtukhailiqtut hadja hivunikhamilu havaktukhat pivallianiq. Hivulliuqtit angiqtuq imaa ikpirnaqtuq ukiuqtaqturmiut ikayuqtaugianganita ukiuqtaqtumi havaakhatigut.

Avikturviit, Nunaqaqqaagtut kanatami kavamangallu havaqatigiiliqtut taapkunanilu havagvigyuani, nunalingni havagviit, ilihaiyit aallallu havaakhakhiuqtunut angigliyuumigiangita havaktut ilauyukhat tamaini havaakhautini imaalu ikayuutauyuuumirlutik havaakhaqhiuqtunit/ Kanatami Nunaqaqqaagtut naunaittut aktuqtauhimanngitut atuqtautaaqtut Kanatap maniliurutikhaagut. Hivulliuqtit hivuliutiyait pipkarumablugit ukiuqtaqtumiut ayuidjutikhariangita havaaqaliriamingnik hapkunanga manniliurutauyukhanit.

Ayuidjuhiit piyauyukhaq avikturviit angiglivallianiit Hivulliuqtillu pivagialiriangita kangiqhidjutinik tuhaapkatainik Kanatami kavamangata aallunguqtiqtait ayuiqduhiuyunut ayuiqharnirmut. Uqaqtut ikpirnaqtuq pihimayaamingnik qanuq hanguyaamingnik pidjutikhanut atuqtauyukhat ukiuqtaqtunit. Ihumaaluutaungmat tamaini Kantami, uqariyuumirniaqtaat havaqatimingnut auyaqqat Katimayit (Council of Federation) katimagumik.

Ihumaqattiarniq

Ihumaqattiarniq hivituyuq aanniaqtailinirmut nunalingniktamaini avikturviini imaalu ukiuqtaqtumi. Hivulliuqtit piyumayut havaqatigiiglutik taimaa ukiuqtaqturmiut piyaangini ihuarutauyunik kinguvaqtinnagulu ihumaqattiarnikkut munarinikkut imaalu havaaluakhaa Kanatap Ikhivautaqarniup Ukiuqtaqtumi Katimayini.

Hilap Aallanguqpallianianut hungiutivangniq

Arlingnaqtuq aktuutinia hila aallanguqtiirnia hadja takunnaqhiyut kanatap Ukiuqtaqtuani. Hivulliuqtit uqaqtut ikpirnia aallanguqtiirnia upalungaiyaigumik.

Avikturviini hilap aallanguqtiirniagut havaktiit iniqhiyut kaffinik havaakhauhinik talvannga Tamaat-Aviakturviit hunngiutiniagut Upalungaiyautit ikayuutaunaigtut angigliyuumiutaagut ukiuqtaqtumi inmiguurutikhat hivuniptingni aallanguqtiirniit.

Hapkua hila aallanguqtiirniagut havaakhauhit nalaumayut Avikturviit Tautuktuuyautaa, Kanatap Ukiuqtaqtumi Upalungaiyautit hunngutiniagut havaangit Ukiuqtaqtumi Katimayiryuat.

Ukiuqtaqtumi Katimayiryuaq

Hivulliuqtit niriuliqtut takupkautikhaagut Ukiuqtaqtuq havaangitigut Ukiuqtaqtumi Katimayiryuat, iluani Kanatap tamaini ukiuqtaqtumiutat.

Aviikturviit hivuliutiyakhait aallatqiinguniaqtut avikturviitigut, Hivulliuqtit ilihimayut amigaittut havaakhaqtaqtut atuqtauvaktut ukiuqtaqtumi tamaini. Niruaqtauhimayut hivulliuqtit nunalingnni kavamangani, Hivulliuqtit havaqatiginiqtaait Kanatalu naunaiyarlugit havaatik katimayiyublutik ukiuqtaqtumi Kanatamiut.

Hivulliuqtit ikayuutauyut Kanatami ikhivautalik pidjutaa 'Havaktut Inungnut Ukiuqtaqtumi' pidjutigalaanga: Havaangat Nunamit Nalvaaqtauyut, Aanniqtailiniq Ukiuqtaqtumi Agyaqtuqtut ukualu Pivikhaqautiligit Ukiuqtaqtumi Nunallaat

Ilyiit hilaryuarmit iigiliqtaat Kanatap Ukiuqtaqtunga avikturvillu niriuktut havaqaatigigiamigit Kanatami havaakhauhit hunanguqtiirniagut atuqtaqtait ukiuqtaqturmiut.

Katimayuatinaqit, Hivulliuqtit nakuuyumik katimaqatigigutiqtaqtut ilaublutik nunaqaqqaagtut katimayit Ilaudjutiqtaqtut taapkunani Ukiuqtaqtumi Katimayiryuat: Chief Joe Linklater, hilaryuani Gwich'in'nguyunut katimayiryuanut Ikhivautalik ukua Katimayit Yukonmi Nunaqaqqaagtut Grand Chief Ruth Massie, katimayiyuq ukununga Ukiuqtaqtumi Athabaskan Katimayit. Hivulliuqtit ukualu Ilaudjutiqtaqtut angiqutut havaqatigigiamingni nakuuhariangani

uqaqatigiingnikkut, aadjikkiiktut hivuliutiyumayait uqarilugit tautuktauyaangani Ukiuqtaqtuq ataani Kanatap Ukiuqtaqtuq katimayiit ikhivautaqarniq.

Nanminiqhuurniq

Pivikhaqautit auladjutikhait hivulliuuyuq maniliurutikhakkut ikpingnaqtunik havaakhaliurniq havagvikhanullu uukturiangita tamaini avikturviini. Nanminiqhuurniq pipkaiqpagait nunalgit ikayuriangita qanuriliurnikhaagut nunamingni kavamatkunit atuqatauyaamingni qanuritpat.

Avikturviit Yukonmilu munaqhivaktut nunamingnik taimaa ilangat maniliurutaat pihimablugulu atuqtauhauyut havaarutinit. Nunattiarmitat Nunavunmiullu atan'nguyaunaiqtut.

Hivulliuqtit Kanatap kavamangat angiqatigiigutilliuqpallianaiaqtut Nunavunmiullu qakugunnuaq.

Ilitturiyumiriarnik ukuninga Ukiuqtaqturmiut Hivulliuqtit's Katimayiutaa pulaarlugu www.anorthernvision.ca.

-30-

Uqarvigiyakhat:

Matthew Grant
Kaitmayit Ministauyut
Tuhaapkaiyat
Yukon Kavamangat
867-393-6470
matthew.grant@gov.yk.ca

Shaun Dean
Hivulliuqtip Havagvia
Nunattiami Kavamangat.
867-669-2304
shaun_dean@gov.nt.ca

Emily Woods
Hivulliuqtip Havagvia
Nunavut Kavamangat
867-222-0217 cell
ewoods@gov.nu.ca